



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Innoc. III. Octau[a]e Natiuit. D. Virg. Mariæ institutor: Pileiq[ue] purpurei Cardinalicij inuentor & auctor. Emblema I. per imaginem mulieris penturie[n]tis in tabul[a]e depicte, significatum. cap. ...

urn:nbn:de:hbz:466:1-38397

ex bibliotheca Casinensi excerpta, apud me extant MSS.
Fertur & illius esse liber ille, qui intulatur, *Thesaurus pau-*
perum. *Catholus Tyrius de bello sacro lib. 1. c. 13. Otho Frisingensis, lib. 7. c. 16.*
Platina, Panvinus, Volaterranus, Langius in chronicon. Cirizensi, &
alij infini.

INNOCENTIVS III.

Octauæ Natiuitatis Diuæ Virginis Mariæ institu-
tor: Pileique purpurei Cardinalicij in-
uentor, & auctor.

Emblema I. per imaginem mulieris parturientis
in tabula depictæ, significatum:

iuxta illud,

Celebrabitis solennitatem eius septem diebus, per an-
num. Leuit. 23. Cap. XXII.



INNOCENTIVM III. Genuensem, monachum in
Fructuariensem Benedictinum, in inferioribus ra-
mi huius partibus, Pontificis habitu tabulam ma-
nibus gestantis, depictum, cum exquisita doctri-
na, cuius illustria exstant monumenta ipsius scri-
ptis immortalitati consecrata, atque insignis pie-
tas; tum vero præstantia in Remplicam Christianam merita, as-
siduque & indefessi labores, ut pote quod anno 1245. Concilio
XIII. Vniuersali Lugduni coacto, in quo de recuperanda terra San-
cta, S. Ludouico Franciæ Rege, quintæ huius expeditionis Duce,
etiam, Fridericum II. Imperatorem ingentibus, ac nefariis crimini-
bus oneratum, de sacri confessus sententia, priorum cœtu extermi-
nauerit, illique sacrorum communitate interdixerit, ac ius, nomen-
que Imperij, & Regni abrogauerit, hominibus illi subiectis iustu-
randi vinculo, ac religione solutis; *Conc. Lugdmense, Platina,*
Panvinus, & alij: quod Regnum Neapolitanum Pontificij solij Im-
petio adiecerit; *Ubertus Foliet, libro quarto, histor. Genuensis,*

R R r 2 quod

quod Ordinem Crucierorum approbauerit. *Panvinus in chron. eccl.* quod Edmundum Episcopum Cantuariensem; Gulielmum Episcopum Birocensem; Stanislaum Cracouiensem Episcopum, & Petrum martyrem, in Sanctorum numerum retulerit: *Volaterranus lib. 22. antropi.* quod Aſcelinum eiusdem Ordinis Prædicatorem religiosum, cum sociis tribus, ad Tartaros ad Christianismum invitandos, miserit. *Vincentius lib. 3. c. 51.* quod Hugonem illum virum doctissimum, primumque Concordantiæ Biblicæ auctorem, primum ex Prædicatorum Ordine Cardinalem creauerit: *Panvinus, & Sixtus Senensis, lib. 4.* (Alii hanc laudem tribuunt D. Conrado, monacho Halberstadenſi Benedictino, qui illud opus perfecisse dicitur, adiutus opera quingentorum aliorum Monachorum, & universis coenobiis euocatorum, hortatu tamen præfati D. Hugonis, qui ideo primus eius auctor reputatur) multa que alia fecerit & instituerit tanto Pontifice digna, clarum & memorabilem faciunt; verum enimvero actio illa quæ in laudem Virginis maris (cuius intuitu fabulam illam lapideam imagine Natiuitatis eiusdem Virginis decoratam manibus tenet; ab eo constituta est, ut octava Natiuitatis eiusdem in Ecclesia Dei quotannis solenniter celebraretur, sola enim hæc laus Ordini Benedictino deesse videbatur ad honorem & cultum tantæ Virginis promouendum, super omnia laudabilem & eximium reddidit. Causa autem huius instituti hæc fertur, quod cum S. R. E. Cardinales ob multiplices Fridericus Imperatoris insidias, post mortem Cælestini III. de eligendo Pontifice inter se conuenire non possent, iamque Apostolica, sedes viginti ferè & uno mensibus rectore caruisset, ad misericordiam Reginam conuersi voto uenerunt, se eius Natiuitatis Octauum diem præcepturos, si à filio suo summo omnium Pastore, Pastorem libi precibus impetraret. Quod cum ex animi eorum sententia successisset, Innocentius qui unus exuocantibus fuerat, ut voto satisfaceret primo sui Pontificatus anno, eundem Octauum Natiuitatis diem pio decreto celebrari præcepit, & quoad uixit deuote celebravit. Quod ab eo sic acceptum, in hodiernum manet. *Platina in eius vita, & alij quidam recentiores, qui ab eo acceperunt.*

Emblema II. In Pileo Cardinalicio repræsentatum.

Nam Cardinales Ecclesiæ

Sunt pro muro à dextris, & à sinistris.

Exodi 14.



EC MINVS illustrem fecit, quod anno sequenti 1244. Lugdani in Concilio generali, duodecim ex optimo quoque in Collegium Cardinalium coaptatis, eius sacri confessus Ordinis viros, Equo publicè uehi, & insuper Galero rubente insigniri constituerit. non solum ut à cæteris inferioribus sint conspicui, sed ut admoneantur pro fide Catholica, & Christiani populi salute, ac Ecclesiastica libertate tuenda, quæ non modicum à Friderico II. Imperatore tunc temporis impugnabatur, paratos esse debere, ut sanguinem effundant. Quod eius institutum repræsentatur in Cardinalicio illo Pileo, qui in sinistra parte conopæi, tabulæ quam manibus præfert, depictus est. Et de reliquis equidem huius Ordinis insignibus, à posterioribus Pontificibus non Monachis excogitatis, ut ueste purpurea, & huiusmodi, lans illis debetur, à quibus sunt inuenta; at huius sacri punicei Pilei primum usum, quippe qui à Pontifice, Monacho Ordinis S.P. Benedicti excogitatus est, S.R.E. Cardinales, eidem Benedictino Ordini acceptum ferre tenentur. *Platina, Panuinus, Volaterranus lib. 2.2. & alij omnes recentiores.*

Scripsit multa, maxime in Iure Canonico, in quo adeo excelluit, ut splendor Canonistarum sic appellatus; eius autem opera hæc feruntur, Contra Petrum quendam de Vineis, qui Imperij, & aliarum rerum omnium arbitrium Imperatori tantum adscribebat,

De auctoritate Pontificis, & imperij iurisdictione lib. 1.

Regula Clarissarum, lib. 1. Forma uitæ ordinis.

Vita Sancti Gulielmi Episcopi Briocensis, quem ipse canonizauit, lib. 1.

Antentica, lib. 1.

Epistolarum ad diuersos, lib. 1.

R R r 3 Appa-

Apparatus super Decretalibus, lib. 5. qui excusi sunt Venetijs anno 1495. in folio, & alibi aliquoties: nouissime uero commentaria eiusdem in quinque libros Decretalium, necnon in Decretales per eundem editas, à Petro Vendrameno, ad ueterum & recentiorum exemplarium fidem collata, & ab innumeris erroribus repurgata, cum annotationibus quamplurimum Iuriscōsultorum, Venetijs apud Bernardinum Maiorinum anno 1570. in 4.

Accessit Index, cum nouis summarijs, & Margarita Baldi de V. baldis Perusini, Francofurti 1570. in fol. & Lugduni 1578. in folio.

CLEMENS VI.

Iubilei anni remissionis quinquagesimi institutor, & Ciuitatis Auinionensis pro Ecclesia emptor.

Emblema I. in malleo & Ecclesia repraesentatum.

ipse enim

Sanctificauit annum quinquagesimum, & vocauit remissionem cunctis habitatoribus terre, ipse est enim Iubileus. Levit. 25.

Cap. XXIII.



INTER omnes actiones quas fecit Clemens VI. ex Monacho Pontifex, nulla illustrior & laudabilior illa, qua Pontificis summi habitu, malleum dextra tenentis, & portam Ecclesie ante se constituta se percutere uelle demonstrantis, cernitur. Hac enim significatur ipsum post Bonifacium VIII. qui Iubileum plenarie remissionis & indulgentie omnium peccatorum, centesimo quoque anno primus Romæ instituerat an. 1300. propter breuitatem uitæ humanæ, ipsius Iubilei annum centesimo, ad quinquagesimum quæque annum, an. 1350. reduxisse; ut quod carnaliter olim apud Hebræos gerebatur, hoc in animabus nostris spiri-